

PHARMACEVTICIS VTRIVSQVE
Bauderoni, tum Parentis, tum Filij, laboribus
gratulatur hoc Epigrammate,

PHILIPVS FOILLARD
Patronus Matiscouenfs.

I Ntestina, Iecur, Cerebrū, Cor, Viscera, Pectus
Democritus ferro vidit, & edocuit.
Hippocrates pepulit potu variante dolores,
Hic fontes aperit sanguinis, ille secat.
Delicias alter prohibet, Venerémque recusat,
Hic calido iecori vina inimica vetat.
Denique diuersos Medicus sibi vendicat vsus,
Vt morbos variâ sedulitate necet.
Quis tamen, ô nostri BAUDERI Epidaurius æui,
Doctiùs, & meliùs te docuisse feret?
Dulcia mellifluo tu condis Pharmaca succo,
Vtile cum dulci iungis, amara Rosis.
Inque tuis secum tractas pugnancia libris,
Te colit Ægrotus, te quoque Sanus amat.
Sic liber hic, totum medicinæ continet orbem,
Aspera iucundis miscet, amica malis.
Quem Pater ediderat diuino ex semine Natum.
FILIVS, haud mirum est, Fratré iterum genuit.
Castoris alternos sic Pollux prorogat annos,
Hoc Pater incepit, FILIVS egit iter.
Confusaque Patri natura tempora reddit,
Próque annis centum, secula mille dabit.
Nulla senescenti vis est tam fertilis herbæ,
Quàm quæ primæuo vere tepente viret.
Quid mirare Senem iuuenis si Filius ornet?
In herbis Medicis, semper Apollo fuit.